

Bus divinis, ex operibus divinis, ex cultu divino, & denique ex Redemtione generis humani, sive ex negotio salutis aeternae. Quæ omnia Christo sic attribuuntur, & convenient, & inde manifestò constet, eum esse natura verum Deum. Ac primò quidem Nomina divina, quibus Deus verus se in suo verbo revelavit, sunt.

I. JEHOVA, Deus, Dominus omnium. At vero Christus disertè appellatur Deus. 1. Timoth. 3. v. 16. Deus manifestatus est in carne. Acto. 20. v. 25. Deus suo sanguine sibi acquisivit Ecclesiam. Joh. 1. v. 1. In principio erat verbum, & verbum erat apud Deum, καὶ Θεὸς ἦν ὁ λόγος, & Deus erat verbum: Item v. 14. Verbum caro factum est.

Deus Magnus. Tit. 2. v. 13. Expectamus illustrationem glorie magni Dei, & servatoris nostri Iesu Christi.

Deus verus 1. Joh. 5. v. 20. Deus super omnia benedictus, Rom. 9. v. 5..

Deus altissimus. Luc. 1. v. 76. Deus & Dominus, Joh. 20. v. 28.,

Dominus ē cœlo. 1. Cor. 15. v. 43..

Dominus gloriæ. 1. Cor. 2. v. 8.

Dominus omnium Acto. 10. v. 36. Deus annunciat pacem per Iesum Christum, (hic est omnis Dominus.)

Solus ḥεσποτης & Dominus. Epistola Judæ. v. 4. & 25. Solis sapienti Deoservatori nostro gloria, & magnificentia & imperium, & potestas nunc & in omnia secula. Amen.

Rex Regum, & Dominus dominantium. Apocal. 19. v. 16..

Similiter in Vet. Testamento appellatur Jehovah. Jer. 23. v. 6. Psal. 2. v. 10. 11. 12. Servite Domino, Jehovah, in timore, & exultate ei cum tremore. Osculamini filium, ne quando irascatur Dominus, & pereatis in via, Beati omnes, qui confidunt in eo. Esaiæ 6. v. 3. Clamabant Cherubim alter ad alterum, & dicebant, Sanctus Sanctus, Sanctus Dominus, Deus exercitium plenum est omnis terra gloria ejus.

Quæ est ipsius Christi gloria. Joh. 12. v. 41. Hec dixit Esaias, quando vidit gloriam ejus, & locutus est de eo. Repetantur ea, quæ Disput. 3. de filio Dei & Angelo Jehovah, Angelo fæderis, ex V.T. monumentis edocimus..

II. Deinde Deitas Christi demonstratur ex Filiatione Naturali, quia est proprius, & unigenitus Dei Filius. Rom. 8. v. 32. Deus proprio Filio non pepercit, sed pro nobis omnibus tradidit illum. Johan. 1. vers. 18. Deum nemo vidit usquam, unigenitus Filius, qui est in sinu Patris, ipse

enarr-